

兩尚有輪船經費一切襟款並須添設製造局每年需銀約在一百四五十萬兩若能將各縣賦稅清查無遺以臺灣之入供臺澎之用有餘無絀惟清賦一事要在官紳得力臣不諳吏治昧於理財時高沈應奎辦理之法議必先行清查戶口再行次第舉辦恐須一二年內方能得其實效此全臺賦稅急宜清查之情形也

一全臺生番急宜招撫也查臺灣生番從前多在外山因閩廣客民愈來愈眾日侵月削全行擠歸內山種類繁多近亦耕種為生各有統屬平時亦不滋事山外土匪游勇每有百十成羣聚集於番民交界之處除搶劫居民外或侵生番田

199

廬或誣騙其貨物一有爭端即行械鬥奸民被殺則訴冤於官即行勦辦生番之被殺者則有冤無處可訴惟有集眾復仇每到外山殺人其平時殺掠生番者轉得置身事外而所殺多係無辜良民因此仇怨日深兩不相安若不及早設法招撫使全臺歸化將來番地日蹙風怒日深人獸迥象鬱久必發又成陝甘雲南回匪之^類以防務而論防海又須防番兩難兼顧若生番全行歸化僅防外患不憂內侮既可減防節餉又可伐內山之木以裕餉此招撫生番之要務也查設防練兵清賦三條皆可及時舉辦惟撫番不易須待以上三條辦成之後方能議辦其次安設電報修路造橋以通南北